

榮昌縣志卷之八

公署

古者敷政之宮厥名爲堂躋堂之祝豳風載之嗣是則以署稱左氏有言署者位之表也其地負陽答陰其事體國經野於以宣上德而涖兆民所係甚重矣邑自唐宋以來職官廨署有七裁汰者三今只存四兵燹之餘屢廢屢修茲值昇平有象安堵無驚各官公署以暨試院行臺無不鱗次星列煥然壯麗爲人上者居高臨下庶幾威如叶吉焉作公署志

榮昌縣志

卷之八

公署

一

知縣署居城正中向東南明萬曆十年知縣吳郡創建周圍石垣

國朝康熙元年知縣王濂重建七年知縣蔡毓祥重修雍正八年大堂燬九年知縣周尚質重建乾隆十年二堂三堂敝知縣許元基補修四十九年知縣朱穀重修庫在署內獄在署外聽春樓在署左乾隆甲辰知縣朱穀建放青蕉綠二齋在署右乾隆甲辰知縣朱穀建香霏亭在署右道光六年知縣龍翔建咸豐十年衙署灰燼十一年署知縣饒憲章倡捐重修爲屋

八進大小二十六楹周以垣墉規畫頗拓

儒學教諭署在學宮左咸豐十年城陷被賊拆毀十一年知縣饒憲章撥紳民捐項補修教諭謝金元經修

駐防把總署在縣署後咸豐十年城陷被賊拆毀十一年知縣饒憲章撥紳民捐項補修把總萬全經修同治三年知縣文康撥縣中公款重修把總邱仕彪經修

典史署在縣署右石垣內咸豐十年城陷被賊拆毀

榮昌縣志

卷之八

公署

二

十一年知縣饒憲章撥紳民捐項補修典史鄧大坪經修同治四年知縣文康撥縣中公款重修典史馬錫經修

萬壽亭在試院後同治三年知縣文康撥公款補修

試院在縣北學宮右道光十一年知縣曾燦奎創建咸豐十年被賊拆毀署知縣饒憲章韓清桂先後補修

演武廳在縣北較場壩

將臺在廳左同治三年知縣文康撥公款修

城內公館在大西街前後四進左右廊房六間內外

過亭二始修年分失考咸豐十年被賊拆毀同治元年知縣饒憲章補修

安富場公館乾隆四十五年邑人公置前後三進廊房六間內過亭一左側廚房一間深如之周環以磚牆咸豐十年被賊拆毀同治三年知縣文康補修  
東路官廳在東關外三里許乾隆五十年知縣朱穀借邑人州同喻宏正地址捐建寬三丈深七丈內廳共三間門樓一間外周以墻咸豐十年被賊焚燬同治四年知縣文康重修

西路官廳在南關外西街里許乾隆五十年知縣朱穀就南壇餘地捐建寬三丈深七丈內廳共三間門樓一間外周以牆咸豐十年被賊焚燬同治三年知縣文康重修

稊流所在北門外同治三年知縣文康創建